



EXPEDIENTE 156/2020

ASUNTO: INFORME SOBRE O ESTADO DA SOLICITUDE, CONCESIÓN E USO DE INSTALACIÓNS DEPORTIVAS DO CONSELLO MUNICIPAL DE DEPORTES DE OURENSE NA TEMPADA 2020/21 (PROVISIONAL).

Antecedentes:

Con data de finalización do 30 de xuño, segundo o estipulado no artigo 22 do Regulamento de Utilización das Instalacións Deportivas Municipais, dependentes do Consello Municipal de Deportes de Ourense, remata o período de solicitude de instalacións deportivas municipais.

O primeiro en resolverse foron aquelas solicitudes que recollían as necesidades de horas de adestramento para as pretempadas.

Con data do 26 de agosto finaliza o estudo das solicitudes presentadas polas corenta e oito entidades e clubs deportivos para a cesión e adxudicación das instalacións deportivas durante a tempada 2020/21 e procédese a recoller as valoracións sobre as instalacións deportivas municipais onde aparecen peticións coincidentes de entidades e clubs, que dan lugar a deliberación.

A motivación das deliberacións toma como base o Regulamento de uso das instalacións deportivas municipais. Os criterios polo tanto empregados son os reflectidos no TÍTULO IV. Normas de concesión e uso das instalacións.

“Artigo 21º – Prioridade de deportes minoritarios

O CMD, ante a proliferación de solicitudes de equipos de deportes moi masificados (baloncesto, fútbol-sala), favorecerá a situación de deportes minoritarios nas instalacións, sempre que iso sexa posible técnicamente, tendo en conta criterios de calidade, categoría, carácter e difusión da actividade.

Artigo 22º - Solicitude de instalacións deportivas municipais

Ábrese o prazo de solicitude para o uso de Instalacións Deportivas Municipais durante o ano escolar ou tempada, o día 1 de Xuño e finaliza o día 30 do mesmo mes.

O modelo de solicitude será o establecido polo CMD. Poderá recollese nas instalacións deportivas municipais e na páxina web municipal [www.ourense.es]. Deberá entregarse nos rexistros municipais en horario de oficina.

O CMD reserva como prioridade o horario de 18,00 a 20,00 h. para o desenvolvemento das Escolas Deportivas.

A concesión de uso queda supeditada a que a entidade solicitante estea ao corrente no pagamento polo concepto de utilización de calquera instalación deportiva municipal.

A entidade solicitante comprométese ao pagamento da totalidade da hora de concesión, aínda que esta non sexa utilizada, e durante toda a tempada, a non ser que renuncie ao uso da cancha con antelación de 5 días antes de terminar o mes en curso, coa fin de evitar que se cobren os meses seguintes e que poida dispoñer da dita instalación outra entidade solicitante.





Será imprescindible cumprimentar toda a solicitude, facendo figurar os datos reais que se solicitan. No caso de que o CMD detecte falsidade nos datos, a entidade causará baixa automaticamente do uso das instalacións.”

O día 26 de agosto de 2020, reunidos para valorar as solicitudes o xerente, Mario González Rodríguez e a coordinadora de deportes do CMD, Marta Míguez Telle, fixéronse as seguintes deliberacións e conclusións das que se levantou a oportuna acta e das que resulta o presente informe.

DELIBERACIÓNS

Procédese ao estudo e análise de cada solicitude segundo os anteriormente citados criterios, examinando especialmente aquelas instalacións onde existen coincidencias nas solicitudes.

1. COMPLEXO DEPORTIVO OS REMEDIOS

1. ANEXO:

O Club Balonmán Pabellón non solicita os martes e xoves de 16h a 17.30 e concédeselle 2/3 do anexo os xoves de 20h a 21.30h.

Ao CV Burgas concédeselle 1/3 do anexo os luns de 18.30h a 20h, ademáis do venres.

O ABO non solicita o anexo os martes e xoves de 20 a 21.30h e concédeselle 1/3 os martes e xoves de 16h a 17.30h.

Ao Club Baloncesto Femenino Ourense concédeselle os martes e xoves 1/3 de 16h a 17.30h.

Ao Club ximnasia Pavillón concédeselle 1/3 os luns de 18.30h a 20h.

Quedan libres algúns espazos para ter en conta todas as posibles alegacións.

2. CANCHA CENTRAL:

Ao club ASESOU concédeselle todo o horario que solicita no rocódromo xa que é a única petición desta instalación. Tamén solicita adestrar os sábados pola mañá, pero queda supeditado ás competicións oficiais, polo tanto é necesario solicitalo puntualmente.

3. PISCINA “PEDRO ESCUDERO”:

Mantense a distribución da tempada pasada. Non procedede colapsar máis esta instalación xa que hai horarios nos que os/ abonados/as solo dispoñen dunha pista para o nado libre, que é o mínimo do que deben dispoñer segundo o Regulamento de Réxime Interno.

4. PISCINA “ROSARIO DUEÑAS”:





Esta instalación está moi saturada e non se poden incluír máis horarios de adestramento para clubs polas tardes.

O Colexio María Auxiliadora comunica a non asistencia a clase de natación durante esta tempada.

5. CAMPO DE FÚTBOL 11:

Permanece coa mesma distribución.

6. MÓDULO DE ATLETISMO:

O Club Ourense Atletismo mantén o horario da tempada anterior. Incorporárase o Club La Purísima, de luns a xoves de 17h a 18h e de 20 a 21.30h, e o CNPO, luns, mércores e venres de 20h a 21h.

O Club Asesou pode facer solicitudes puntuais, tendo en conta que na tempada anterior non utilizaron o horario concedido.

2. COMPLEXO DEPORTIVO DE OIRA

1. POLIDEPORTIVO:

Ao Sala Ourense concédeselle os mércores de 19h a 20.30h xa que o CD Ourela ocupa unha hora da que dispoñían no polideportivo da Carballeira.

O Albor CH solicita este polideportivo os domingos pola mañá para adestrar, pero queda supeditado ás competicións oficiais, polo tanto é necesario solicitalo puntualmente.

Ao Club Balonmán Pabellón concédeselle o horario dos venres de 19h a 20.30h xa que non solicita un horario similar no Otero Pedrayo.

Ao CH Barrocás concédeselle a franxa do xoves de 22h a 23.30h.

2. OIRA FUTBOL 11 e 8:

Permanece sen cambios

3. CAMPOS DE VOLEI PRAIA:

Sen novidade.

3. PAVILLÓN DA CARBALLEIRA (CEIP MANUEL LUIS ACUÑA):

O CD Ourela renuncia aos sábados e solicita adestrar os luns de 18h a 21h, afectándolle no horario ao Sala Ourense, que como precisa horario para o equipo xuvenil provincial pode utilizar os mércores en Oira de 19h a 20.30h.

Patinatour solicita o mesmo horario da tempada anterior máis os xoves, pero xa estaba ocupada





esa franxa. En todo caso pódese ampliar o horario dos sábados.

O Albor CH solicita este polideportivo os domingos pola mañá para adestrar, pero queda supeditado ás competicións oficiais, polo tanto é necesario solicitalo puntualmente.

A primeira franxa horaria dos mércores queda libre para ter en conta todas as posibles alegacións.

4. POMPEO ou IES OTERO PEDRAYO:

O Club Balonmán Pabellón non solicita a franxa horaria que tiña asignada o venres durante a tempada anterior, queda libre para ter en conta todas as posibles alegacións.

5. CAMPO MONTE DA AIRA "VELLE":

Permanece sen cambios

6. CAMPO STA. CRUZ DE ARRABALDO: Permanece sen cambios.

7. CAMPUS UNIVERSIDADE:

1. POLIDEPORTIVO:

O Club Baloncesto Femenino Pabellón non solicita horario.

2. CAMPO DE FÚTBOL: Permanece sen cambios

8. CAMPO DE MARIÑAMANSA:

Todos os clubs solicitaron as mesmas horas do ano pasado e mantense a distribución da tempada anterior.

9. CIFP CARBALLEIRA:

O club Marusia renuncia ás horas solicitadas, polo tanto, o CV San Martiño recupera o horario que lle cedeu o ano pasado ao dito club, os venres de 16h a 18h.

10. CAMPO DA FEIRA: permanece o reparto existente entre o Club Ximnasia Pavillón Ourense, o club Escola Ximnasia Burgas e o Club Ximnasia Escola Pavillón.

11. CAMPO DE FÚTBOL DE EIROÁS:

Permanece sen cambios

12. IES FERRO COUSELO: Permanece sen cambios.





CONCLUSIÓNS

Á vista do recollida na Acta da Reunión e segundo indica o Artigo 22.1.c: *“Aos clubs ou entidades deportivas que, logo da aplicación dos devanditos criterios, se lles conceda unha instalación deportiva determinada, deberán confirmar o horario concedido, nunha primeira fase provisional. Posteriormente, unha vez estudadas as posibles reclamacións pasaranse a unha segunda e definitiva fase, no que a entidade deportiva deberá formalizar un convenio para a concesión do horario de adestramento. Esta concesión terá vixencia ata o 31 de maio”.*

Feita esta primeira concesión provisional, ábrese un período de posibles alegacións ata o 7 de setembro de 2020. De non existir alegacións, entenderase aceptada a concesión. Resoltas as alegacións, a concesión provisional pasará a ser definitiva o 1 de outubro de 2020, momento no que entran en vigor os convenios de concesión por tempada.

Polo tanto, faise público este documento xunto co anexo de distribución horaria de instalacións deportivas municipais (IDM).

Marta Míguez Telle

Coordinadora de deportes do CMD

Ourense, na data da sinatura electrónica

